

فَارُوقُ الْمَرَاكِشِيِّ



النبي

# التشلية

## I النبي من يَّامَات زَمَان لَدَابَا

- 7 البُنَّايَة الصبليونيَّين و المَغَارِبَة  
15 صَحَاب و مَّالِيَّين الغرب  
31 الكتبية و الخيرالدة

## II الصَّمعة

- 49 التَّقَادَة دِيَال الصَّمعة؟  
51 التَّقَادَة دِيَال القُبَة و الجَّامور؟

## III رَحَاب اللُّوضو والسَّور

- 55 التَّقَادَة دِيَال السَّور ؟  
57 رَحَاب اللُّوضو و اللِّيمون



## مرحبًا بكم

مُن قَالِي نَقُوم فَالصَّبَاح... مُن قَالِي نَحُل غِيُونِي...  
 مُن قَالِي نَعْشَق الرِّين... حَتَّى حُبَابِي كُرْهُونِي...  
 إِلَيَان السَّرْفَاتِي Line Monty ، أَنَا لُولِيَا.

نَهَار تَسَافِرِي لِمَرَآكَش وَلْ لِأَشْيِيلِيَّة ، غَادِي تَمْشِي بَاش تَشُوفِي أَكْبَر بُنْيَة  
 فَالْمَدِينَة، صَمْعَة الْكَتْبِيَّة فَمَرَآكَش وَلْ مَنَار الْخَيْرَالْدَا Torre campanario فَأَشْيِيلِيَّة.

غَادِي تَشْقِسِي رَاسْكَ بَعْدَا، كَيْفَاش قَدْرُو يُبْنِيُو هَاد الصَّمْعَة قَدَّ هَاكَا ؟ عَلاش  
 دَارُو الشَّرَاجِم مَزُوقِين بِالْقَوَاس ؟ ضُورِي بِالصَّمْعَة وَ حَقُّقِي مَزْيَان فَالْمَوْضِع  
 تَالشَّرَاجِم، عَلاش فُكِّلْ فَرَصَادَة مَا كَايْنَش الشَّرْجَم فَنَفْس الْعَلُو ؟

هَاد التَّسْقِشِيَّات يَمَكْن تَسْقِسِيهِوم لِيكَ شِي بَنْت صَغِيرَة وَلْ وَلَد صَغِير، أَتْنِي  
 بَرَّاسْكَ مَلِّي كَنْتِي صَغِيرَة غَادِي تَكُونِي شُقْسِيَّتِي رَاسْكَ، وَ غَادِي تَكُونِي  
 شُقْسِيَّتِي الْكَبَّار ! غِي هُوَ الْكَبَّار مَا يَقْدَرُوش يَحَاوَبُوك، عَلاش ؟

حِيثَاش گَاع دَاكْشِي بَاش مَبْنِيَّة دِيكَ الصَّمْعَة عَارْفِينُو غِي بِالْهَضْرَة الْمَعْلَمِين وَ  
 الصَّنَائِعِيَّة ! يَعْنِي خَصَّكِي تَكُونِي مَتَعَلِّمَة فَشِي صَنْعَة بَاش تَعْرِفِي الْحِيلَات دِيَال  
 دِيكَ الصَّنْعَة، وَ تَكُونِي عَارْفَة شُوي مِّن الثَّارِيخ تَالْبَنِي.

بَاش مَا يَكُونَش بَرَّز عَلِيكَ تَتَعَلَّمِي گَاع الصَّنَائِع، أَ لَالِّي، غَادِي نَكْتَب لِيكَ  
 عَلَى هَادْشِي بَاش تَكُونِي عَارْفَة السَّاس دِيَال الْبَنِي.

و غادي نكتب بالدارجة حيثاش كون كان هادشي مكتوب بالدارجة كون  
 گاع الصغار غادي يكونو عارفين بلا ما محتاجو يتلاقاو مع المعلمين، و بلا ما  
 محتاجو الكبار لي ما تيعطيوش الوقت أصلاً الصغار.

تنشكر بزاف بزاف المعلم مورتادي نور الدين Mourtadi nourreddine لي  
 بلا القناة ديالو [1] ، ما غاديش نقدر نعرف بزاف تالكلام و نتذوق الصنعة.

هادشي لي غادي تلقاه فهاد الكتاب غادي يعاونك باش تخممي، تحققي و  
 تتذوقي البني. و غادي تعرفي علاش ناس المغرب، الصبليون و البرطقيز خوت  
 فالبني، ويلا خوت فالبني يمكن يكونو خوت حتى فحنانات أخرى ديال الدنيا.

الكتاب مقسوم على ثلاثة ديال الدفوف، الدقة اللولة فيها الحوايج لي خص  
 تعرفها علي البني ، الدقة الثانية و الثالثة فيها كيفاش تبني الصمعة و الجامع  
 ديال الكتبية بالكارتون مع الصغار.

إل ما جبروش الصغار الدوزان باش يبنو الساس تمخوم، غادي يدمقو بلي  
 كان، و ملي يكبرو و يوليوا شان، غادي ينساو بلي ساس تخوم مدمق !

فاروق المراكشي، أوت 2020 ، عام كورونا.

I - الدقة اللّولة


البنّي من يّامّات زّمان لدّابّا





# 1- البني وحيلات الغريف

## البناية الصبليونيّين والمغاربة



الفنّ و الحيلّات ديال البني تنسميوهوم : العمار ولّ الهندسة المعمارية. الناس لي تيبنيو الديور ولّ الدشور تنسميوهم البناية ، و لي تيكون عارف الحيلّات و الفن ديال الصّنة سميتو الغريف ديال البناية [2] .

باش يبلاني مزيان النبي، خَصَّ العَرِيف دِيال البَنّاية يكون عَارِف لَاش غَادِي  
تَلِيق البَنّاية، يعني خَصَّ يعرف النوع دِيال البَنّاية، وَاش قصر، صبيطار، جَامع،  
متحف وَل حَمَام.


من بعد خَصَّ تكون كَلَّ بَنّاية مبنية عَلَى حَسَاب وَاحِد الغرض ، بِحَال مَثَلًا ،  
كَأَيْن البَنّاية لِي الغرض مِنْهَا هُوَ نَتَبَاهَاو يِيهَا، وَ كَأَيْن لِّي الغرض مِنْهَا هُوَ نَحَسُو  
بَالرَّاحَة فِيهَا، وَ كَأَيْن لِّي الغرض مِنْهَا هُوَ نَتَخَبَّاو فِيهَا.

آخِر حَاجَة، عَرِيف البَنّاية خَصَّ يكون عَارِف فِينَا مَوْضِع غَادِي يَبْنِي، وَ  
يعرف الجَوَّ وَ الحجر دِيال المدينة فِين غَادِي يَبْنِي، وَ يكون عَارِف الحَسَاب ،  
الهندسة ، المِيكَانِيك ، وَ يتقن الدوزَان دِيال الخدمة.





برج بابل




DER „BABYLONISCHE TURM“

أهرام المصريين PYRAMIDEN



ضريح أرتميس




(ROMISCH)

كوليزي روما




KOLOSSEUM, ROM

البندقية



كاتيدرال سان ماركو

(DEUTSCHE ROMANIK)



كاتيدرال سبنير



نوتر دَام

NOTRE DAME IN PARIS (GOTIK)

برناتة



كنية مراکش

SARAZENISCH



مانهاتن



SILHOUETTE VON MANHATTAN, NEW YORK



## حيلات البني

جوج حيلات ديال البني هُما لي بدّلو المعيشة تاع بنّادم، يهوم بنّادم خرج من دار الخيمة، الحفرة ولّ الغار لدار بالحبوط و الضّالة.

أول حيلة هي : جوج ساريات واقفين هازين بودرة ناعسة ، هاد الحيلة باقي خدامين بيها لدروكا !



بهاد الحيلة قدر بنّادم أنه يبني السقف و الطابق لي فوق منو بلا ما يتهرّس وَلَا يتشقق !

هاد الحيلة هي باش صاوبو المصريين ساريات ديال الخوّار بحال ساريات المصلّي تاع الكرنك .

ثاني حيلة طاحو عليها البناية هي : التقويسة .


أول بني خَمّ فهاد الحيلة غادي يكون تعجّب كيفاش الياجورات غادي يبقاو مهزوزين فالسما و الخوى تحت منهوم !



عاد من بعد غادي يتعجّب كيفاش هاد التقويسة غادي تقدر تهزّ بودرة قدها قد الخلى !

لأنه بالحيلة ديال التقويسة باش قدرنا نبنو القبة و السقف المقبب ، و زايدون التقويسة تتعطي منضر واعر و تتعطي هية و شان البني.


تقويسة الناقوس مهمة فالبني،  
لأنه بيها قدرنا نصابو السقف  
المقبب.



و بلا تقويسة الناقوس كان غادي  
يخضنا برّاف ديال البودرات تاع  
الخشب باش نهزو السقف !

باش تصاوي التقويسة غادي  
يخصك تعرفي شوية ديال فن التسطار و التوراق [1] (الهندسة)، مثلاً :


باش تصاوي قوس واسع غادي  
يخصك ترسمي ثلاثة تاع الدوّارت.



القلب تكلّ دوّارة كآين فموضع  
بالحساب على الدوّارة الأخرى.


من بعد تصاوي قالب بالخشب تبني عليه التقويسة :

من بعد تقويسة الناقوس بدّاو  
البنّاية تخلقو شكل جداد ديال  
التقّاس.



بحال تقويسة الكتف [1] ولّ  
تقويسة النعل ، سمّيتها تقويسة

الكتف حيثاش الشكل ديال كل نص قوس دّاير بحال الكتف ! و تقويسة النعل حيثاش الشكل ديال التقويسة دّاير بحال نعل العاود (الخيل)، و كآين لي تيسميها تقويسة الساروت .



الرومانيين هوما الناس ديال رومّا لي فواحد الزمان كانوا حاكمين گاع الناس لي عايشين بالبلدان لي ضايرين بالبحر الدّخلاي (الأبيض المتوسط)، كانوا معروفين بالتقويسة ديال الناقوس .

من بعدهم جاو القوطيين [3] من ألمانيا ديال دابا، و خادو ليهم گاع البلدان لي كانوا حاكمين، تقسمو القوطيين على جوج، كآين القوطيين تالشرق Ostrogoth و القوطيين تالغرب Wisigoth .

القوطيين تالغرب هوما لي كانوا حاكمين الصبليون و فرانسّا ديال دابا (مدينة تولوز)، هاد القوطيين تالغرب كانوا معروفين بالتقويسة ديال الكتف .

جَاوِ الْأُمُويِّينَ [2] مِنْ دِمَشْقَ وَ خَادُوا لِيَهُومِ الْبَلَدَانِ لِي كَانُوا تَيَحْكُمُو، تَقْسَمُو  
 الْأُمُويِّينَ لِفِرَاقِي (طَوَائِفَ)، وَ هَادِ الْفِرَاقِي هَوْمَا لِي كَانُوا تَيَصَاوَبُو قُوسَ النِّعْلِ  
 بِتَقْوِيَةِ الْكَتْفِ وَ دَرَجَ !



جَاوِ مِنْ بَعْدِهِمُ اللَّمَثُونِيِّينَ وَ الْمُوَحِّدِينَ [2] مِنْ مَدِينَةِ تَيْنْمَلِ ، هَادُوا هَوْمَا لِي  
 بَنَاوُ الْكَتْبِيَةِ فَمَرَّاكُشَ وَ الْخَيْرَالْدَا فَاشْبِيلِيَّةَ. وَ بَدَاوُ يَبْنِيوُ صَمْعَاتَ فَمَدُونٍ أُخْرَى  
 بِحَالِ جَامِعِ حَسَّانَ فَرِبَاطٍ وَلِّ جَامِعٍ لِلَّيْ بَيْتِ اللَّهِ فَأَقَا !

الْمُوَحِّدِينَ زَادُوا عَلَى التَّقْوِيَةِ دِيَالَ النِّعْلِ وَاحِدَ الْمَرْبَعِ تَيَكُونُ ضَايِرُ  
 بِالتَّقْوِيَةِ وَ زَادُوا السَّبْكَةَ وَالنَّقْشَ تَالْفِرْصَادَاتِ، وَ كَانُوا مَعْرُوفِينَ بِالْبَنِيِّ الْكَبِيرِ وَ  
 الصَّمْعَاتِ الْكِبَارِ الْمَنْقُوشِينَ.

وَ حَيْثُ الصَّمْعَاتُ كَانُوا عَالِيِينَ كَانُوا تَيَصَاوَبُو عُكْبَاتَ (ذُرْدُوبَاتَ) بَاشَ يَقْدَرُو  
 يَطْلَعُو بِالْبَغْلِ حَتَّى لِفَوْقِ الصَّمْعَةِ.

## 2 - المَغْرِبُ والصَّبْلِيُّونَ

### صَحَابُ و مَّالِيينَ الغَرْبِ

عَاشَ فَالْغَرْبِ دِيَالِ الْبَحْرِ الدَّخْلَانِي شَلَّا نَاسَ :

• فَالْتَحَتْ دِيَالِ الْبَحْرِ كَايِنَ الْمَغَارِبَةِ - جَاتْ مِنْ غَرْبِ الْمَشْرِقِ - (كَانُوا تَعِيطُوا لِيَهُومِ الْفِينِيقِيِّينَ، الْمَوْرِيَّينَ، إِيْمَازِيغْنَ، الشَّمَالِيَّينَ تَاعِ إِفْرِيْقِيَا وَ وَ).  
و هَادِ الْمَغَارِبَةِ دِيَالِ إِفْرِيْقِيَا تَتَخَلَطُو مَرَّةً مَرَّةً مَعَ النَّاسِ دِيَالِ الصَّحْرَى ،  
وَلَّ الشَّرْقِيِّينَ وَلَّ النَّاسَ لِي جَايَّينَ مِنْ الْوَسْطِ دِيَالِ إِفْرِيْقِيَا.

• فَالْفَوْقِ دِيَالِ الْبَحْرِ كَايِنَ الصَّبْلِيُونِيِّينَ لِي جَاتْ مِنْ الْكَلِمَةِ الْيُونَانِيَّةِ إِصْبَالِيْسِ  
Hispalis - تَتَعْنِي مِنْ بِلْدَانِ الْغَرْبِ - (كَانُوا تَعِيطُوا لِيَهُومِ الْلُوسِيْتَانِيَّينَ،  
إِيْبِرِّيَّينَ، وَ وَ). وَ هَادِ الصَّبْلِيُونِيِّينَ لِي هُومَا نَاسِ الْغَارِبِ دِيَالِ أُوْرُوْپَا  
تَتَخَلَطُو مَرَّةً مَرَّةً مَعَ النَّاسِ دِيَالِ الشَّمَالِ ، وَلَّ الشَّرْقِيِّينَ وَلَّ النَّاسَ لِي  
جَايَّينَ مِنْ الْوَسْطِ دِيَالِ أُوْرُوْپَا.

الرومانيين [3] تالشرق كانو حاكمين شمال إفريقيا و جنوب الصبليون ، و  
الغوطين ديال الغرب كانو حاكمين شمال الصبليون و جنوب فرنسا .

هاد الرومانيين تالشرق كانو بارزين فمدينة قرطبة لي كاينة على الواد الكبير  
Guadalquivir لي كانت سميتو بيتيس Baetica . أمّا الغوطين ديال الغرب  
كانو بارزين فمدينة طليطلة و كانو شادين من طليطلة حتى لپواتي Poitiers .




من بعد ما جاو الأمويين من المشرق، حكمو شمال إفريقيا و شوية من  
جنوب الصبليون . و آش ضره ليك فين غادي يكونو برزو ؟ فقرطبة .

قوس النعل بتقوية الكتف باش معروفين المغاربة غادي يخرج من  
التخليطة تاع البني الغوطي مع البني الشرقي.



بمّا أن الأمويّين كانوا مسلمين، بدأوا تَبنُّو المساجِدَ فالمدون. قبل ما نتكلم على المساجِدِ دِيالِ الأمويّين و الجوامع دِيالِ المَغَارِبَةِ و الصليونيّين، غادي نتكلم بعدا على أَشْناهُومَا النّواعِ دِيالِ المساجِدِ على حَسَابِ البَلَدان :



إِلْ حَقَّقْتِي مزيان فالنّواعِ دِيالِ المساجِدِ غادي تلقاي أنّ المَغَارِبَةِ و الصليونيّين صاوبو واحد النوعِ دِيالِ المساجِدِ لِي فيه رَحَابِ اللّوضو، المَنارة وَلِ المَأْذنة، و المصلى لِي تيكون مغطّي.

أَوَّلِ مسجدِ بَنَاوهِ المَغَارِبَةِ و الصليونيّين هُوَ مسجدُ قُرْبَةِ ، بَنَاوهِ فالنصّ دِيالِ واحدِ الكنيسة سميتْهَا كنيسة الرهبان الشهيد بيشانتي .

شَهِيدَ حَيْثَاشَ قَتَلُوهُ مَسْكِينِ [4] ، لَأَنَّ دِيكَ السَّاعِ الرُّومَانِيِّينَ بَدَاوْ تَيَقْتَلُو  
 الْمَغَارِبَةَ وَالصَّبْلِيُونِيِّينَ النَّصَارَى لِي مَا بَغَاوْشَ يَهْلُو الْقَيْصَرُ دِيَالِ رُومَا.

هَادْ بِيَشَاتِي كَانَ نَصْرَانِي دِيَاكُونُوص diakonos يَعْنِي خَادِمٌ بِالْيُونَانِيَّةِ، خَادِمٌ  
 دِيَالِ أَشْ ؟ خَادِمٌ دِيَالِ الْجَمَاعَةِ النَّصْرَانِيَّةِ، وَكَانَ هُوَ الْخَادِمُ دِيَالِ الْجَمَاعَةِ  
 النَّصْرَانِيَّةِ لِي فَسَرْقُوسَةُ .

مَلَى الْكُوطِيَّيْنِ دِيَالِ الْغَرْبِ خَرَجُو الرُّومَانِيِّينَ مِنَ الصَّبْلِيُونِ وَالْمَغْرِبِ، قَالُو  
 الْمَغَارِبَةَ وَالصَّبْلِيُونِيِّينَ يَبْنِيوْ كَنِيسَةَ فَقَرْطِبَةَ وَسَمَّوْهَا عَلَى سَمِيَّتُو بِيَشَاتِي .

مِنْ بَعْدِ مَا جَاوْ الْأُمُويُّونَ مِنْ دِمَشْقَ وَخَرَجُو الْكُوطِيَّيْنِ دِيَالِ الْغَرْبِ، حَظُّوْ  
 وَآلِي عَلَى الْمَغَارِبَةِ وَالصَّبْلِيُونِيِّينَ. هَادْ الْوَالِي قَسَمَ كَنِيسَةَ الشَّهِيدِ بِيَشَاتِي عَلَى  
 جُوجِ [2] ، طَرَفٍ فِيهِ الصَّبْلِيُونِيِّينَ وَالْمَغَارِبَةَ النَّصَارَى وَطَرَفٍ آخَرَ فِيهِ الْمَغَارِبَةَ  
 وَالصَّبْلِيُونِيِّينَ الْمُسْلِمِينَ.

وَاحِدُ الْأَمِيرِ أُمُويٍّ سَمِيَّتُو عَبْدَ الرَّحْمَنِ الدَّاحِلِ جَا هُرْبَانَ مِنَ الْمَشْرِقِ لِحِيَّةِ  
 الْمَغْرِبِ وَالصَّبْلِيُونِ. شَدَّ الْحُكَّامُ تَالْبِلَادَ وَ قَالَ الْمَغَارِبَةُ وَالصَّبْلِيُونِيِّينَ يَهْرَسُو  
 النَّصَّ مِنَ الْكَنِيسَةِ وَيَبْنِيوْ فِيهِ مَسْجِدًا.

مِنْ بَعْدِ قَالَ لِيْهُومُ يَهْرَسُو النَّصَّ  
 لِي بَاقِي وَ عَطَى الْحَقَّ الصَّبْلِيُونِيِّينَ وَ  
 الْمَغَارِبَةَ النَّصَارَى أَنَّهُمْ يَبْنِيوْ  
 كَانِيَسَاتِ.

هَادِ الطَّرَفَ لِي فَالْصُّورَةُ هُوَ  
 دَاكْشِي لِي بَقَى مِنْ كَنِيسَةِ الرَّهْبَانِ  
 الشَّهِيدِ بِيَشَاتِي.





هنا غادي يعيق عبد الرحمان بالتعلميت فالبني ديال البناية المغاربة و الصليويين ، لأنه غادي يصاوبو واحد القوس ما كاينش عند البناية ديال الشرق ولا الشمال ديال أوروبا ولا الجنوب تاع إفريقيا.

الحيلة اللولة هيّ البني ديال قوس النعل لي مقوس بزاف .


هاد قوس النعل غادي نلقاوه فگاع المدون لي كانو حاكمينهم الغوطيين تالغرب.



مثلا غادي نلقاو قوس النعل مقوس بزاف فشمال الصليون، فالصورة تقدر تشوفيه فكنيسة الرهبان جون بتيست Iglesia de San Juan ، و تقدر تلقاي قوس النعل فكانيسات مبنيات فجنوب فرانس.

و الحيلة الثانية هيّ الثنواب ديال الياجور و الحجر فالتقوية.

فالصورة، يمكن تشوفي قوس من مدينة ويلي Volubilis (حدى مدينة فاس).



غادي تحققي فهاد الشكل باش كانو تيناوبو الياجور و الحجر.

البناية المغاربة و الصليويين غادي يصاوبو فمسجد قرطبة قوس جامع هاد الحيلات بجوج.

و لي كثر من هادشي هُوَ أَن هَاد القوس غادي يولي هُوَ العَلامَة ديال البني  
تتاع المغاربة و الصليونيّين .

هَذَا بَاب من البيتان ديال مسجد  
قُرْطُبَة.

و تقدر تشوفي أَنه قوس النعل  
داير بالتتويب ديال الحجر و  
الياجور.

فَالدَاخِل، كَين قَوَاس مَصَاوِين  
بالتتويبة ديال الحجر و الياجور  
مَهْرُوزِين بِالسَّارِيَات.



هَاد السَّارِيَات هَازِين سَقَف مَقَبَّب، هَاد الفَصَالَة [5] ديال البني تَتَسَمَّى  
الفَلُوكَة بِالْأَثِينِيَة Navis، كَين لي تَيَقُولُو جَات من الفَلُوكَة ديال سَيَدْنَا نُوح، و  
كَين لي تَيَقُول هِيَا فِلُوكَة تَتَعُوم فَالسَّمَا تَالْخَالِق.



هَاد الْقَوَاس حَظْوُهُمْ وَاحِد فَوْق الْآخَرِ، وَ مَعَ التَّنْوِيَّة دِيَال الْحَجَر وَ الْيَاجُور  
لِي كَلَّ وَاحِد فُلُون، قَدَرُو يَخْلُقُو هَاد الْبَنَّاة الْمَغَارِبَة وَ الصَّبِلْيُونِيَّين إِحْسَاس  
دِيَال لُونَاين (جُوج لَوَان) "Effet de Bichromatie, "duotone".

بَنَآو حَضَّاش لَفْلُوكَة وَ الْقَوَاس مَحَادِيَّين Parallel لِسُور الْمِرْحَاب ، وَ بَنَآو  
رَحَاب اللَّوْضُو وَ شَجَر اللَّيْمُون، وَ بَنَآو الْمَنَار وَلَّ الصَّمْعَة تَاع الْآدَان، نَفْس هَاد  
الْفَصَالَة غَادِي نَلْقَاوَهَا فُجَامَع الْكُتْبِيَّة وَ الْخَيْرَالْدَا.

مِنْ بَعْد هَاد عَبْد الرَّحْمَان الْأُمُوي وَ لِّي جَاو مِنْ مَوْرَاه، جَا زَمَان الْفَرَاقِي  
فَالصَّبِلْيُون وَ الْمَغْرِب. وَ هَاد الزَّمَان هُوَ فَاش الْبَنَّاة غَادِي يَخْلُقُو قَوْس كُتْف وَ  
دَرَج وَ غَادِي يَبْدَاو النَّقْش الْمَعْرُوف بِالسَّبْكَة .



عِنْدَنَا ثَلَاثَة دِيَال الْفَرَاقِي نَصَارَى حَاكِمِينَ الْمَغَارِبَة وَ الصَّبِلْيُونِيَّين ( بَرْصَلُونَة،  
يَآمِلُون وَ كُومِپُوسْتَلَا ). وَ خَمْسَة فَرَاقِي مُسْلِمِينَ حَاكِمِينَ الْمَغَارِبَة وَ الصَّبِلْيُونِيَّين  
( سَرْقُوسْطَة، طَلِيْطَلَة، بَظْلْيُوس، غَرْنَاطَة وَ أَشْبِيلِيَّة ).



## زُمان سيدي El Cid

قوس - كتف و درج - غادي بيان فسرقوصطة، البناية المغاربة و الصليونيّين  
غادي يضاوبو واحد القوس جديد فواحد القصر سميتو الجعفرية .

شكون غادي يطلب من هاد البناية يضاوبو هاد القوس ؟ الحاكم ديال فرقة  
سرقوصطة، جاي من فاميلة بنو هود ، و سميتو أبو جعفر المقتدر [2] .



الحاجة اللولة فهاد القوس هي أنه فبلاصة ما يضاوبو القوس بالحجر و  
الياجور، غادي يخدمو البناية بالكبص ، هاد الكبص مع الما تيولي رطب و  
معلّك بحال العجينة، ديك الساع تقدري تبدلي الشكل ديالو كيما بغيتي.

كيفاش طاحت عل البناية يضاوبو الشكل لي سماوه - كتف و درج - ؟

ولد أبو جعفر المقتدر لي سميتو يوسف المؤتمن ، هُو لي غادي يشرح كيفاش تصاوب هاد الشكل و شكال وحدآخرين فالكتاب ديالو : كِتَاب الاستكمال و المناصر .

### " كتاب الاستكمال "

بسم الله الرحمان الرحيم . صلى الله على محمد .  
النوع الخامس من جنسي التعاليم الرياضية  
في إضافة المجسمات و سطوحها  
بعضها إلى بعض وهو نوعان .



أييه ، هاد يوسف المؤتمن هُو لي غادي يولي الحاكم تَسَرَّقوصطة وفنفس الوقت غادي يولي مُهندس تيعرف السّاس ديال الرياضيات و الحساب .

و الحاجة لي عطاها الوقت و كتب عليها بزّاف هي المخروطات ، أشناهي هاد المخروطات غاوتاني ؟

خصكي تعرفي أنه فالفن تاع الهندسة يمكن ترسمي جوج نواع تالخطوط :  
الخط المسطر Ligne rectiligne و الخط المورق Ligne curviligne .


البّناية [1] تيصاوبو بالتّوراق قوس الكتف و تيصاوبو الدرجة بالتّسطار ،  
باش تلاقي الكتف مع الدرجة خاص تكوني عارفة كيفاش تزيد دي دّوّارة على  
مُربّع ولّ تزيد دي كُرّة على مُكعّب .

هادشي علاش قال يوسف المؤتمن : إِنّا نستطيع وصف القطع الزّائد و  
القطع المكافئ عندما نعرف العنّاصر الأساسيّة عن المقاطع المخرّوطيّة كما فعل  
أبو لونيوس Apollonios .



## الملك المهندس : المؤمن بن هود

### " كتاب الاستكمال "

بسم الله الرحمن الرحيم . صلى الله على محمد .  
النوع الخامس من جنسي التعاليم الرياضية في إضافة المجسمات  
وسطوحها بعضها إلى بعض وهو نوعان .



ونجعلنا خطه من الجوانب ومقطوعه  
في النصفين بينهما أوله وذلك أن كل  
منه وبغيره من دائرة العجلان  
وعملنا على خطه من الجوانب  
من دائرة تقاطع دائرة من الزاوية  
المطلوبة من خطه وذلك من  
منه من خطه من الجوانب وذلك من  
منه من خطه من الجوانب وذلك من



سَمِيَ يوسُفُ الْمُؤْتَمَنُ كِتَابُ الْأَسْتِكْمَالِ لِي تَتَعْنِي الْكِتَابُ النَّاضِي ،  
بِالْفَرَنْسَاوِيَّةِ تَتَعْنِي : Le livre de la perfection ، عَلَاش ؟

تَقُولُو لِأَنَّهُ كَانَ بَغَى يَجْمَعُ فِيهِ الرُّوحُ دِيَالَ الْخِدْمَةِ تَاعَ گَاعِ الْمُهَنْدِسِينَ لِي  
دَازُو قَبْلَ مَنُو، وَ بَغَى يَكُونُ عِنْدَ الْمَغَارِبَةِ وَ الصَّبْلِيُونِيِّينَ كِتَابُ جَامِعٍ فِيهِ گَاعُ  
التَّطْبِيقَاتِ دِيَالَ الْهَنْدَسَةِ فَالْبَنِي وَ الصَّنَعَاتِ لِأَخْرِينَ.

وَ لَكِنْ كَانَ وَاحِدَ الْمُشْكِلِ، مَلِي وَلِّي الْحَاكِمِ دِيَالَ سَرْقُوصِطَةِ، خَوْه الصَّغِيرَ مَا  
بَغَاشَ يَكُونُ مَعَاهُ وَ ضَارَ فِيهِ، وَ فَنَفَسَ الْوَقْتَ فِرْقَةَ سَرْقُوصِطَةِ كَانَتْ مُضَارِبَةً  
مَعَ شَلَّا فَرَاقِي أَخْرِينَ ( بَرْضَلُونَةِ، پَامْپِلُونِ وَ ظَلِيلِطَةِ ).

بَاشَ يَلْقَى الْوَقْتَ يَكْتُبُ فِيهِ الْكِتَابُ [6] طَلَبَ مِنْ وَاحِدِ الْقَائِدِ نَصْرَانِي سَمِيَتْو  
رُودْرِیْگُو دِيَاَزُ دُو بِيِيَارُ Rodrigo Diaz de Vivar أَنَّهُ يَعُونُو يَفْكُ هَادَ الْمُشَاكِلِ  
تَالْحَرْبِ، وَ يَعْسُ عَلَى الْبِلْدَانِ تَالْفِرْقَةَ دِيَالَ سَرْقُوصِطَةِ.

وَيْلَ قَدْرٍ يَدْخُلُ عَلَى بِلْدَانِ أَخْرِينَ وَ يَدْخُلُهُمْ تَحْتَ الْحُكَامِ دِيَالَ فِرْقَةَ  
سَرْقُوصِطَةِ يَكُونُ مَزِيَانِ، وَ هَادِشِي لِي وَقَعَ نَيْتَ :

• وَلَّ عِنْدَ يوسُفِ الْمُؤْتَمَنِ الْوَقْتَ فَاشَ يَجْمَعُ وَ يَكْتُبُ كِتَابُ الْأَسْتِكْمَالِ ، وَ  
مَرَّةً مَرَّةً تَيَخِطُّطُ مَعَ الْقَائِدِ النُّصْرَانِي عَلَى أَشْ غَادِي يَدِيرُو فَالْحَرْبِ.

• الْقَائِدُ النُّصْرَانِي رُودْرِیْگُو دِيَاَزُ Rodrigo Diaz مَكْلَفَ بِالْحَرْبِ وَ جَمِيعِ  
الضَّرَائِبِ، وَ مَرَّةً مَرَّةً تَيَكْغِدُ مَعَ الْمُؤْتَمَنِ تَيَتَكَلَّمُو عَلَى الْفَنِّ وَ الْبَنِي.

أَوَّلَ حَاجَةٍ بَدَأَ بِهَا الْقَائِدُ النُّصْرَانِي رُودْرِیْگُو دِيَاَزُ Rodrigo Diaz هِيَ يَمْشِي  
الْمَدِينَةَ لِي حَاكِمَهَا الْخُو تَالْمُهَنْدِسِ الْمُؤْتَمَنِ، الْحَيْشُ دِيَالُو فِيهِ الْمَغَارِبَةُ وَ  
الصَّبْلِيُونِيِّينَ الْمُسْلِمِينَ وَ النُّصَارَى .



شد المدينة و شد حتّى الحاکم النصراني ديال فرقة برصلونة و دّاه المهندس المؤتمن، ثمّا فاش سّماوه : El Cid El Compeador ، سيدي بالمغربية و الكامپيّاصور Elcompeador بالصليونية .



كان عند القائد النصراني رودريغو دياز Rodrigo Diaz جيش ديالو فيه المغاربة و الصليونيّين المسلمين، النصرارى و اليهود .

و كان عند المهندس المؤتمن مهندسين و بّناية ديالو فيهوم المغاربة و الصليونيّين المسلمين، النصرارى و اليهود .


هادشي علاش واحد الزمان غادي يتخلق فمدينة سرقوصطة واحد النوع ديال البني تيتسمى : المدرّح ولّ المديّن Mudéjar . علاش مدرّح ؟

حيّتا زعمّاكين ماشي البني ديال البّناية المسلمين عند الحكّام المسلمين إنّما البني ديال البّناية المسلمين عند الحكّام النصرارى. هاتي غادي تشوفي أنّ البّناية ديال الغرب فيهوم ديمّا المسلمين، النصرارى و اليهود مخلطين .



## زَمَانُ مُسْفِيوَةِ أَغْمَات

مسفوية هوما ناس جَاو من مدينة أَغْمَات شدو الحَكَّام ديال المغرب و الصبليون دقة وحدة، و حبسو عند - سيدي - El Cid و بِنُ هود .



المسْفِيوِيَّين [7] بَانِيين قصر و حَمَّام و جَامِع فَاغْمَات بَالِيَا جُور و الحَجَر، الحَمَّام مبني بتقويسة الناقوس و الفصالة كَامَلَهَا دِيَال الحَمَّام هِي رُومَانِيَّة، فَالْدَّخْلَة دِيَال الحَمَّام كَاين وَاحِد الكَلْسَة شُهْوة مِنْهَا.

بَنَاو المَسْفِيوِيَّين فَالْكَسَة تَالْحَمَّام نَافُورَة تَمَانِيَة Octogonal ، كَان يَمَكْن يَبْنِيوَهَا مَرَبَّعَة، رُبْعَة دِيَال التَّسْطِيرَات و هَاتِي جَبْتِي المَرَبَّع، أَمَّا بَاش تُحْيِي تَمَانِيَة غَادِي يَخْصُكِي تَدُوزِي مِنْ تَمْنَطَاش لِتَسْطِيرَة فَالْهَنْدَسَة.

يَعْنِي هَادِ البَنَايَة عَطَاو الْوَقْت و الْخِدْمَة لِهَادِ النَافُورَة، بَاش يَكُون دَاكِ الْمَنْضَر الثَّمَانِي مَلِي يَكُون المَسْفِيوِي كَاعْد تَيْنَشَف و تَيْتَسَارَاح مِنْ بَعْدِ التَّخْمُحِيْمَة.

هَادِ الْمَسْفُويِّينَ كَانُوا كُلَّ عَامٍ [8] تَيْخَثَارُو وَاحِدَ مِنْهُمْ يَكُونُ الْحَاكِمُ ، وَكَانُوا تَيْبَعُونَ وَتَشِيرُونَ مَعَ النَّاسِ دِيَالَ الصَّحْرَى ، السَّيْنِيْكَالَ وَ الْجَنُوبَ كَوَلُّوْ .

وَجِيْهَةُ الشَّمَالِ كَانُوا حَاطِّينَ فَوَاحِدَ الرَّحْبَةِ وَاحِدَ الرَّاجِلِ سَمَّيْتُو مَرَّاشَ ، كَانِ تَيْعَسُ وَ تَيْجِيبُ الْحَبَّارَ لِيُؤْمَ . هَادِ رَحْبَةُ مَرَّاشَ بَعِيدَةُ بِشِي ثَلَاثِينَ كِيلُومِترَ عَلَى أَغْمَاتَ ، وَ هِيَ لِي تَتَسَمَّى دَابَا فَمَرَّاشَ الرَّحْبَةِ الْقَدِيمَةِ .

شِي رَجَالٌ مِنَ الْجَنُوبِ تَيْحَطُّو عَلَى وَجْهَهُمُ اللَّثَامَ سَمَّيْتُهُمُ اللَّمَثُونِيِّينَ جَاوْ بَنَاوْ حَدَى رَحْبَةِ مَرَّاشَ بَاشَ يَسْكُنُو ، الْحَاكِمُ عَلَى هَادِ اللَّمَثُونِيِّينَ (الْمُرَابَطِيِّينَ) هُوَ وَاحِدُ الرَّاجِلِ سَمَّيْتُو يُوْسُفَ بْنَ تَاشْفِينِ .




يُوْسُفَ بْنَ تَاشْفِينِ تَزَوَّجَ بِالْمَسْفُويَّةِ زَيْنَبَ بِنْتَ إِسْحَاقَ الْهُوَارِيِّ وَ بَقِيَ سَاكِنًا مَعَ اللَّمَثُونِيِّينَ فَالرَّحْبَةِ دِيَالَ مَرَّاشَ ، وَ هَادِ زَيْنَبُ هِيَ لِي غَادِي تَحِيْبُ الْبَنَاءَةِ الْمَغَارِبَةِ وَ الصَّبْلِيُونِيِّينَ لِي فَقُرْطَبَةُ بَاشَ يَبْنِيُو مَرَّاشَ بِحَالِ قُرْطَبَةِ .

الْفَصَالَةُ تَمَرَّاشَ هِيَ دِيَالَ قُرْطَبَةِ ، كَايْنُ الْمَدِينَةِ لِي فِيهَا النَّاسُ مَعْزُولَةٌ عَلَى قَصْرِ الْحُكَّامِ وَ بَيْنَاتُهُمُ رَحْبَةُ الْقَصْرِ لِي غَادِي تَسَمَّى مِنْ بَعْدِ جَامِعِ الْفَنَاءِ .

طلّبات زينب السفويّة من البّناية المّغاربة و الصّليونيّين يبنو ليها دار الحجر  
و جابو الحجر من جبل گيليز ( جبل إنيّلن [9] )، ذابّا كايّنة الكتيبة فبلاصة  
قصر الحجر.

ولد زينب لي هوّ علي بن يوسف غادي يبنو الجامع و النّافورات لي تيجبو  
الما حتّى لموضع اللّوضو، نافورة وحدة هيّ لي بقات من گاع داكشي لي بناو  
اللمثونيّين.

هاد النّافورة سمّيتها قُبّة الباروديّين ، كايّنة حدّى جامع بن يوسف، هيّ و  
السّوار ديال المدينة هوّ البني الوحيد لي بقى من هاد اللّمثونيّين :




هاد النّافورة جامعين فيها تقريبا گاع التقاوس لي كانو دايّرين فمقرطبة،  
سَرْقوصطة و أَغْمَات. هنا غادي بيان ليكوم أنّ زينب كانت بغات تجمع فمراكش

گاع النواع تالبي لي كانو تيعرفوه البناية المغاربة و الصليونيّين :

- قوس كتف بلا عَدَد لي فيه قوس دَاخِل فقوس.
- قوس كعب غزال لي فيه فالدَاخِل ثلاثة ديال الدويرات (تكون ديمّا العَدْد ديالهوم فَرادي).
- قوس كتف و درج ديال السَرَقوصيّين، غي إِنّمَا مَا كَامَلش حِيثَاش فيه قوس وَاحِد ديال كتف و تابعو درجة وحدة.
- تناوية الياحور ديال أَغْمَات لي هِيَ عَلَى شَكْلِ السُنْبُولَةِ Opus spicatus ، نالانكليزية تيسميوها قشرة الحوت Herringbone .

هاد النافورات تيجمعو فيهوم الماء و من بعد تيفرقوه على السقايات، و باش يجيبو الماء حَتَّى النافورة غادي يخدمو بواحد الحيلة تتسمى الخطارة :



باش يضاوبو هاد الخطارات، غادي يضاوبو قوادم، و غادي يُزَادِيو قادوس مع قادوس و غادي يجيبوهم هابطين بواحد زاوية الطيوح Angle d'inclinaison لي تكون صغر من زاوية الطيوح ديال الحصيرة تالما.

### 3 - الثّوَام

#### الكتيبة والخيرالدة

جامع الكتيبة غادي يكونو بدّاوه المثلّمين، إثمّا لي بنّاه فالشكل ديّال دابّا هُوَ  
وَاحِد الرّاجل سميتو يعقوب المنصور ، جاي من تينمل لي هيّ مدينة فُجبال  
الأطلس حدّى أغمّات.


كَانَ يعقوب المنصور هُوَ السلطان ديّال وَاحِد النّاس سميتهوم الموحّيدين، هَاد  
الموحّيدين حيدو المثلّمين و مَا خلاوش بزّاف تالّبني ديّالهوم، دَاكشي علاش قليل  
فَاش تَنَلَقَاو البني ديّال المثلّمين.

هَاد الموحّيدين بَنَاو بزّاف ديّال البني فالْمَغْرِب و الصبليون و كَانُو معروفين  
بَالْبَنِي الْكَبِير و الْعَالِي ، من البني الْعَالِي لي معروفين بيه هُوَ الصمّعات  
المربّعات ديّال الجوامع.

عندك صمعة الكتيبة لي فمراكش، الْخَيْرَالْدَة لي فْأَشْبِيلِيَة (ديك السّاع سميتْهَا  
النّار) و صمعة حَسّان لي كآينة فالرَبّاط.



الفَصَالَة دِيَال صَمْعَة الكَتْبِيَة رَسْمَهَا أَحْمَد بِن بَاسَه ، أَبُو دَاوُود جُلُول و وَاحِد  
سَمِيَّتُو جَابِر [2] :



الصمعة مصاوبة من جوج صمعات وحدة مخشّية فَاخْرَى، الصمعة الدخْلانية  
كبر من الخرجانية. بينات هاد الصمعات كآينة واحد الدردوبة ولّ عِجْبَة بَاش  
يطلع بنادم حتّى الفوق.

الصمعة فيها ستّة دِيَال الطَبَقَات، كُلّ طبقة محلولين فيها شَراجم بَوَاحِد الشَكل  
لي يدخل الشّعى تَالشَمْس فُكُل طبقة. و لَكِنْ كُلّ طبقة مَاشي فَوْقِيَة إِنَّمَا جَايَة  
طَالعة مع العِجْبَة.

دَاكشي عَلاش فُكُل فَرَصَادَة، العلو تَالشَرحم مَخْتَالفة فيها عَلَى العلو تَالشَرحم  
لي فَالْفَرَصَادَة الْآخَرَى. يَعْنِي الْعِجْبَة هِيَ لِي تَتَحَدَّد فِين غَادِي يَكُون الشَرحم .

## الخَيْرَالِدَة

تَقُول عبد الملك بن صَاحِب الصَّلَاة :

وفي هذه السنة في شهر رمضان ابتدأ أمير المؤمنين بن أمير المؤمنين باختطاط موضع هذا الجامع العتيق الأنيق، فهدمت الديار في داخل القصة له، وحضر على ذلك شيخ العرفاء أحمد بن باسه<sup>(3)</sup> وأصحابه العرفاء البناؤون من أهل أشبيلية، وجميع عرفاء أهل الأندلس، ومعهم عرفاء البنائين من أهل حضرة مراكش<sup>(1)</sup> ومدينة فاس وأهل العدو، فاجتمع بأشبيلية منهم ومن اصناف النجارين والشارين والفعلة لأصناف البناء أعداد، من كل صنف صنّاع مهرة في كل فن من الأعمال.


يعني جمع البناية و الصنّاعية من مراكش، فاس و المغرب كامل، مع البناية و الصنّاعية من قُرطبة، أشبيلية و الصبليون كاملة. العرّافين تالبناية و لّي قابلو البني، عندك أحمد بن باسه ، أبي مروان الغرناطي ، محمد بن سعيد ، علي الغماري ، أبو بكر بن زهر ( Avenzoar ) و جابر .

فِيَامَات الموحّدين بدّاء البناية  
تَيَخْدَمُو عَلَى وَاحِد النوع جديد من  
القَوَاس، تَيَسْمِيُوهُ القَوَاس بِالسَّبْكَة :

هَاد القَوَاس تَيَكُون السَّاس  
دِيَالهُوم إِمَّا قَوْس كَتَف و درج دِيَال  
قصر الجعفرية وّل قَوْس كعب غَزَال  
دِيَال مسجد قُرطبة.

من بعد تَيَبَقَاو طَالَعِين بِالقَوْس

(كتف و درج وّل كعب غَزَال) حَتَّى أَلْفُوق، و تَيَبَقَى يَدْخُل قَوْس فِقَوْس بَاش



يعطيو شكل خَوَارِلي سَمِينَاهُ السَّبْكَة ، وَ هَادِ السَّبْكَة تَنْجَبِرُوهَا فَالْكُتْبِيَّة ، حَسَّان  
وَ الْخَيْرَالْدَا وَ جَوَامِع ، كُنَيْسَات وَ صَلَاوَات كَثِيرَة فَالْمَغْرِب وَ الصَّبِيلُون :



بِالْفَرَحَة ، طَلَبُ أَلْفُونَسُو حَضَّاشٍ مِنَ الْبَنَاءَةِ الصَّبِيلُونِيَّةِ وَ الْمَغَارِبَةِ يَبْنِيُو قَصْرَ  
الرَّهْبَانِ سَانْتَا كَلَارَا Real Monasterio de Santa Clara مَلِي رَجْمِ الْمَقَاتِلَةِ دِيَالِ  
طَرِيفَةِ batalla del Salado ، كَانَتْ تَضَارِبَاتُ فَرَقَةِ الْمَرِينِيِّينَ وَ بَنُو حَمْرٍ ضِدَّ  
الْقَشْتَالِيِّينَ وَ الْبَرْطَقِيزِ .

فَنَفَسِ الْوَقْتِ ، شَامُوِيلُ أَبُو الْعَافِيَةِ (مَوْلَى الْخَزِينِ دِيَالِ أَلْفُونَسُو حَضَّاشٍ)  
طَلَبَ مِنَ الْعَرِيفِ دُونِ مَائِرِ عَبْدِيْلِ Don Meir Abdeil أَنَّهُ يَبْنِي صَلَاتَ وَلِّ  
سِينَاغُوغِ التَّرَنْسِيْتُو Sinagoga del Trànsito فَطَّلِيْطِلَّة .



من بعد السبكة لي بانت فزمان الموحّدين غادي بيدى القواس بالقرنص و تزواق الفرصادات بالزليج و النقش على الخشب. غادي نبداو نخدمو بالمخروطات ديال المؤثمن باش نصابو شكال و زواقات واعرين بزّاف.

هاد الزواق غادي يوصل الشوكة ولّ القمة فزمان بنو حمر، المرينيين، القشتاليين و البرطقيز. تيسميوه المغاربة دابا بالفن الأندلسي ، و تيسميوه الصبليويين دابا بالفن المدخير Mudéjar بالفصحى - المدجن - يعني المدرج .

مين جا هاد الزواق ديال الفرصادة ؟ من زمان مسفيوة، كيفاش ؟



ما بين أغمات و الصحرى كايين القصبات و الدشور، الدشور هوما الديور ديال الناس، القصبات هوما الديور ديال الحرب و الحزين. قصة أين حدو هي المعروفة بزّاف، و فالصورة لفوق غادي تشوفي كيفاش كانو تيزوقو الفرصادة بالياجور و تيصابو شكال هندسية شهوة منها.

نفس القاضية كآينت فالحيزالدا، حسان و الكتبية غي الفرق هُو أَنَّهُ كَانُو  
تيزوَّقو بالسبكة. و مع الوقت فالفن المدرّج وّل الأندلسي غادي بيدى الزواق  
بالسبكة و بالّشكل الهندسية .

فالفن الأندلسي وّل المدخير غادي نبداو نصاوبو في فن التسطار و التوراق  
، وّاحد الشكل غادي يكثر بزّاف، هاد الشكل تيتسمّى : رُبع قُفي .




فنفس الوقت لي كانت تَتَبْنَى فيه الحيزالدا فاشيلية، جوج رجال فطليلة  
غادي يطلبو من البّناية الصليونيّين و المغاربة أَنهُوم يبنو ضلّات مدينة ليهود  
لي سميتها دابّا Santa Maria la Blanca ، لي كاتشوفها فالصورة الفوق.

العريف أبراهام ابن الفشار Abraham Ibn Alfashar هُو لي غادي يتكّف  
بالبني و ضون يوسف بن شوشان don Yosef ben Shoshan هو لي غادي  
يتكّف بالفلوس.

فَالصُّورَةُ غَادِي يَبَانَ لِيكَ أَنَّ الْفَصَالَ دِيَالَ مَدِينَةِ لِيهُودِ دَايِرَةِ بِحَالِ  
الْفَصَالَ دِيَالَ الْحَاجَمِ، خُصُوصًا مَا فِيهَا شَاشَ بَيْتٍ وَلَّ الصَّلَاةَ تَاعَ النِّسَاءِ ! لِأَنَّهُ  
فَاصَلَاتِ دِيَالَ لِيهُودِ النِّسَاءِ مَا تِيخْلُطُوشُ مَعَ الرِّجَالِ.

يَعْنِي يَمْكُنُ الْيَهُودُ الرِّجَالُ دِيَالَ طُلَيْطِلَةَ تِيخْلُطُو مَعَ النِّسَاءِ مَلِّي تِيصَلِّيُو بِحَالِ  
فَالْحَاجَمِ دِيَالَ مُسْلِمِينَ طُلَيْطِلَةَ ؟

رَبْعٌ قَفِي مَعْرُوفٌ بِالْخَاتَمِ (النَّجْمَةُ)  
لِي تَتَكُونُ فَالْوَسْطُ، غَادَ كَايْنِ  
السَّفَاطِ لِي تِيكُونُو ضَايِرِينَ بِالْخَاتَمِ.  
و فَهَادِ الشَّكْلُ رُبْعَةُ السَّفَاطِ  
بِالْخَاتَمِ، وَ الْخَوَاتَمِ لِي  
ضَايِرِينَ يَهُومِ ثَمْنِيَّةِ دِيَالَ



اللويزات .


رَسْمِي سَطْرٍ وَلَّ صَاوِي قَطِيبِ  
تَالْخَشْبِ، ضَوْرِيهِ رُبْعَةُ دِيَالَ الْمَرَاتِ  
بَاشَ تَصَاوِي تَرْبِيعَةَ.

و ضَوْرِي التَّرْبِيعَةَ بِخَمْسَةِ وَ  
رَبْعِينَ دُرْجَةً وَ صَاوِي تَرْبِيعَةَ ثَانِيَّةِ.

حَطِي التَّرْبِيعَةَ اللَّوْلَةَ عَلَى التَّرْبِيعَةَ

الثَّانِيَّةِ، مَسْحِي دَاكْشِي لِي شَايْطٍ وَهَانْتِي صَاوِي تِي الْخَاتَمِ .

خَصَّكِي تَعْرِفِي أَنَّهُ السَّاسُ دِيَالَ هَادِ شَكْلُ رُبْعٌ قَفِي كَوَّلُو هُوَ الْخَاتَمِ، الْبَنَاءَةُ  
تَيَسْمِيُو التَّقَادَةَ دِيَالَ الْخَاتَمِ بِالْأَدْرِيمِ [1] :






إِذَا زَادَيْتِي جَوْجَ خَوَاشِمٍ وَاحِدٍ عَلَى  
لَاخِرٍ، وَ مِنْ بَعْدِ قِطْعَتِي الطَّرُوفَةِ  
لِي زَايْدِينَ، هَاتِي صَاوِبَتِي السَّفْطَ .

مِنْ بَعْدِ، مَا غَادِي يَبْقَى لِيكَ غِي  
أَنَّكَ تَحْطِي كُلَّ سَفْطٍ ضَايِرٍ بِتَسْعِينَ  
دُرْجَةً عَلَى لَاخِرٍ.

مِنْ بَعْدِ غَادِي يَبْدَأُ يَدْخُلُ سَفْطُ  
فَسْفْطٍ، وَ غَادِي يَبْدَأُ يَنْوَعُو  
الْبَلَايِصَ دِيَالِ السَّفَا. وَ اللَّوِيزَاتِ.



غَادِي نَلْقَاوْ نَفْسَ الشَّكَالِ دِيَالِ رُبْعٍ قَفِيٍّ مَعَ التَّدْخَالِ دِيَالِ شَيْ فِشِي فَمْدَرَسَةِ  
الْعِطَارِينِ فِي فَاسٍ، قَصْرَ الْحَمْرَاءِ فِغْرَنَاطَةِ وَ كَنِيسَةَ سَانَتَا مَارِيَا فِي سَرْقُوصَةِ :



مَدْرَسَةُ الْعِطَارِينِ  
فَاسْ  
الْمُرِينِيِّينَ




قَصْرُ الْحَمْرَاءِ  
غِرْنَاطَةِ  
بَنُو حَمْرٍ




كَنِيسَةُ سَانَتَا مَارِيَا  
سَرْقُوصَةِ (Tobed)  
الْأَزَاغُونِ  
Iglesia de Santa Maria


غَادِي يَزِيد يَتَنَوَّعُ فَنَ التَّسْطَارِ وَ التَّوَرَّاقِ بِالزَّلِيجِ وَ الخَشَبِ فَيَأْمَاتُ بَنُو حَمَرِ  
فَغَرْنَاطَةِ، المَرِينِيِّينَ فِي فَاسَ، القَشْتَالِيِّينَ فَاشْبِيلِيَّةً وَ الْأَزَاغُونَ فِي سَرَقُوصَةِ.  
فَبَلَاصَةِ مَا يَكُونُو رُبْعَةَ دِيَالِ السَّفَاطِ، غَايِ يُولُوءِ ثَمْنِيَّةً وَ طَنَاشَ، وَ غَادِي  
يَسْمُيُو هَادَ الشَّكْلَ دِيَالِ طَنَاشَ بِالطَّنَاشِرِيِّ :



القصر الأحمر  
Castello silves  
البرطقيز



حمام  
Los Banos  
Santa Maria  
(Tobed) القشتاليين



قصر و كنيسة سانتا ماريّا  
Real Monasterio de  
Santa Maria  
de Guadalupe القشتاليين


عَيَّيتُ مَا نَقَلَبَ عَلَى شَيْءٍ مَخْطُوطٍ قَدِيمٍ مِنْ يَمَنَاتِ الْفَرَاقِيِّ دِيَالِ شَيْءٍ عَرِيفٍ  
تَالْبَنَاءَةِ بَاشَ نَشُوفِ كَيْفَاشَ تَيَدِيرُو لِهَادِ الطَّنَاشِرِيِّ بَاشَ يَصَاوَبُوهُ، مَا لَقَيْتَشْ.  
ذَاكَشِي عَلَاشَ بَرَّافٍ تَالْكَلَمَاتِ تَعْلَمْتَهُومَ مِنَ الْفِيدِيَوَاتِ دِيَالِ الْمَعْلَمِ الْعَرِيفِ  
الْمُورْتَدِيِّ نُورِ الدِّينِ .

إِنَّمَا لَقَيْتُ وَاحِدَ الْعَرِيفِ مِنْ أَشْبِيلِيَّةٍ سَمِيَتْهُ دِييَغو لُوپِيز دُو أَرِينَاسِ  
Diego Lopez De Arenas ، كَتَبَ وَاحِدَ الْكِتَابِ فِي 1700 سَمِيَتْهُ الْحَاصُولُ دِيَالِ  
تَجَارَتِ الْبَيْضَةِ عِنْدَ الْعَرِيفِ دِيَالِ الْبَنَاءَةِ لِي هُوَ بِاللُّغَةِ الصَّبِيلُونِيَّةِ :  
. breve compendio de la carpinterade lo blanco y tratado de alarifes



تَيسَمِّيُوهَا تَنْجَارَت الْبَيْضَة حَيْتَاش كَانُو تَيَفَرَّقُو مَايِن النَجَارَة تَالْخَشَب لِي يِيهَا  
تَتْبَنِي الصَّلَاة وَ الْقَبَاب وَ تَهَز بِالْخَشَب السَّقْف، وَ كَانِ النَجَارَة تَالْخَشَب لِي يِيهَا  
تَنْصَاوِبُو الدَفُوف وَ الشَّرَاجِم وَ التَّرَوَاق.


فَهَاد الصُّورَة غَادِي تَشُوفِي دُو أَرِينَاس De Arenas كَيْفَاش تَيْشْرَح الخْدْمَة  
دِيَالِ الْبَنِي تَاعِ السَّقْف وَلِ الْقُبَّة الثَّمَانِيَة :



تَيَقُول لِينَا الْكَلِمَاتِ الصَّبْلِيُونِيَة دِيَالِ الطَّرُوف لِي فَشَكْل الثَّمَانِي : السَّقْف  
Azafate ، اللُّوزَة Almendrilla ، القَنْدِيل Candilejo وَ الْخَاتَم Sino .

مِنْ بَعْدِ الْخَشَبِ غَادِي نَلْقَاوْ هَادِ الشَّكْل عِنْدَ الْجَلَايْحِيَّة ، يَعْنِي مِنْ بَعْدِ  
الْخْدْمَة بِالْكَبْصِ وَ الْخَشَبِ غَادِي نَبْدَاوْ التَّسْطَار بِالزَّلِيح ، أَشْنَاهُو هَادِ الزَّلِيح ؟

الزليج هُو الغيس لي تَنعجنوه و تَنصاوبو مَنو مُربعات و تَنسرحوه فَالشمس حتى تَينشف، تَنسخنوه من بعد فَوَاحِد الفَرَّان مَتَقَب بِحَال الكَسْكَاس، الحَاصول لي تَخرج لِينَا من هَاد التسخينة اللولة تَنسَمِيوه المَزَاهِرِي [10] :



تَنصاوبو من بعد الصبَاغة بِالتسخَان دِيَال حِجْرَة الطويلع [11] وَلَّ حِجْر أُخَر عَلَى حَسَاب اللَّون لي بَغِينَا، من بعد تَدَوَّبُو الحَاصول فَالرَحَى، تَنغَطَّسُو وَاحِد اللَّوَجَة من المَزَاهِرِي فَالصبَاغة، و من بعد تَنحَطَّوهُ فَالفران العَادِي بِاش نَسَخْنُوهُ المَرَّة الثَّانِيَة .

من بعد تَيَاخذ المَعْلَم ذَاك الزَّليج و تَيَقْطَعُو طَرِيفَات عَلَى حَسَاب الشَّكْل لي غَادِي يَسْطَر بِيهِ الحِيط وَلَّ اللُّرْض، تَيَقْطَع الحَوَاشِم ، السَّفَاط ، اللُّويزَات ، النُّزُوق ، القَنَادِل ، الكُويزَات ، بَاوَلَوَات و شَلَا شَكَال هَنْدَسِيَّة.

فِيَاَمَات المَرِينِّيَّين، بنو حمر و القَشْتَالِيَّين، البَنَايَة المَغَارِبَة و الصَّبِلِيُونِيَّين غَادِي

يبدعو فَالْتَزَوَاق دِيَال الحيوط، القَوَاس و اللّرض. و غَادِي نلقاو الخدمة الوَاعرة  
ديالهوم فمدينة فاس، مَرَاكش، غرناطة، أَشبيلية و قَورْطبة :




و لَكِن لي غَادِي يزَوَقو بَزَاف بِالزَّلِيج هومَا البرطقيز ، هَاد البرطقيز كَانو  
حَاكَمِين غَرَب الأَنْدَلُس Algarve . المدينة لي كَانو بَارزِين فِيهَا البرطقيز هِيَا  
مدينة ليشبونة .

ليومَا، مدينة ليشبونة فِيهَا أَكْبَر مَشْحَف فَالْعَالَم دِيَال الزَّلِيج، غَادِي تَلْقَاي فِيه  
كَاع النَوَاع دِيَال التَزَوَاق بِالزَّلِيج لي كَان فَالْغَرَب (المغرب، الصبليون، البرطقين،  
الطالين، الجزائر، تونس).

تَجَلَايْحِيَت عِنْد البرطقيز بَدَى مَع المَلِك مَنوِيل اللّول Manuel 1 ، فَوَاحِد  
النّهَار مَشَى هَاد المَلِك مَعْرُوض عِنْد المَلُوك دِيَال الصبليون و هُو يَشُوف الزَوَاق  
دِيَال قَصْر أَشبيلية و غرناطة و مَدُون أُخْرَى.



هَاد الملك دِيَال البرطقيز غَادِي يطلب من الجَلَايحية الصبليونيّين، المغَاربة و  
البرطقيزيّين لي عندو أنهموم يزوّقو ليه القصر بالزليج، هوما يزوّقو ليه القصر  
ديال سِنْتَرَا : Palácio Nacional de Sintra



هَاد الزليج غَادِي يبدى يتصنّع برّاف فالصبليون، البرطقيز و المغرب، و من  
بعد مَا شد الملك ألفونسو الخامس دِيَال الأَرَاگون صقْلِيّة غَادِي يدخّل هَاد  
الزليج الطالِيَان.

مع النهضة الفنيّة لي يَالله بدَات فَالطالِيَان، غَادِي يبدّاو يرسمو على الزليج  
بنّادم، الطيور و شلّا حَوَايج، وَاحد المدينة غَادِي تَشهر برّاف بهَاد التزَوَاق ؟

هَاد المدينة سَمِيّهَا فَيَانزَا Faenza و هَادشي عَلاش دَابَا تَنَقولو الفَيَانص على  
وَاحد النوع من الزليج لي تَنرسمو فيه. و هُنَا البرطقيزيّين غَادِي يخلطو الشكّال  
الهندسيّة مع الرُسوم دِيَال الطالِيَان و غَادِي يبدّاو يبدعو فتَجَلَايحييت.

مثلاً هُنا عندك بزاف تالأنواع ديال تَجَلَّيْحِت فمدون برطقيزية :



هنا غادي بيان لك أن البرطقيزيين تيزووقو الفرصادات بالزليج بحال تزواق القصبات بالياجور، و هاد أفأيرو Aveiro تيسميوها فينيسيا Venezia تالبرطقيز بكثرت ما زوينة بالزليج عل الأنواع.

ماشي غي الطاليانين و البرطقيزيين  
لي بداو تيدخلو الرسم فالتزواق  
بالزليج !

بنو حمر حثاهوما بداو تيدخلو هاد  
الرسم في فن التسطار و التوراق.

بحال هاد الكولة المشهورة تاع  
الغزالات لي تتخبل العقل، شوفي  
كيفاش خلطو التسطار مع التوراق  
فوسط الغزالة !





## التشقيسية ديال الكتبية

نهار تسقسك الصغيرة ولّ الصغير على كيفاش هاد الناس قدرو يُبنّيو هاد  
الكتبية قدّ هاكّا، غادي تقدر تجاوب بهاد اللعبة !


طاحت عليّا هاد الفكرة ديال بنّي الكتبية بالكارطون من واحد اللعبة  
صليونية سميتها Maqueta recortable de La Giralda de Sevilla .

غادي تجبري فهاد الكناش الدوزان لي غادي تحتاجي ليه باش تركبي و تبني  
جامع الكتبية بالكارطون.

غادي تجبري كيفاش تبني الصمعة و كيفاش تصاوي المراح ديال اللوضو لي  
فيه شجر الليمون و الزليج . و فلّخر، تصاوي بنيذمات صغيورين باش تخلقي  
جو ديال يامات الموحدين ، يامات فاش تبناات الكتبية.

باش تبني جامع الكتبية غادي  
يخصك تبني ثلاثة ديال البنائيات ،  
عندك الصمعة و رحاب اللوضو و  
المضلى .

الخدمة اللولة غادي تكون هي  
البنّي د الصمعة !





## II - الدقة الثانية

### الصّمة




## 4- البني اللول

### التقادة ديال الصمعة؟

باش تبني الصمعة د الكُتبية غادي يَخَصَّك تبني ثلاثة ديال البنايات ، عندك المنار ، و عندك ثاني القبة لي فوق المنار، عاد فاللخر الجامور ول الجمار لي هو قطيب د النحاس مخشين فيه ربة د الكواري نحاسيين.

قبل ما نبدي نشرح كيفاش غادي تبني الصمعة، غادي نتكلم بعدا على الساس ديال




غادي تاخدي كارتونة و تقطعي منها طرف مربع فيه ربعين سنتيمتر فكل جبهة. تنقولو أن المساحة ول الشاحة لي غادي تبني فوق منها، فيها

1600 سنتيمتر مربع. دابا غادي تبعدني بخمسة سنتيمتر على الجنب، و غادي تعلمي بشي إيمازة الموضع لي غادي تبني فوق الصمعة.




دَابَا غَادِي نَشُوفُو كُلَّ فَرَصَادَة :

هَاد الفَرَصَادَة فِيهَا 20 cm فَالطُول وَ 6 cm فَالْعَرْض.  
الْفَرَصَادَة اللَّوْلَة هِيَ لِي جِيَهَة جَامِع الْفَنَاء، غَادِي تَلْقَاي  
فِيهَا رِبْعَة د الْفَتَحَات (الشَّرَاجِم).



غَادِي يَخْصَّكَ تَصَوُّرِي رِبْعَة د الْفَرَصَادَات، وَ تَقْطَعِي  
رِبْعَة د الطَّرُوفَة تَاع الْكَارْطُون بَاش تَلْسَقِي فِيْهِمْ  
الْفَرَصَادَات. كُلَّ فَرَصَادَة مَعْلَمَة بِرَقْم بَاش مَا يَتَخَلْطُوش، وَ  
مَاتَنْسَايش تَلَوْنِيْهِمْ وَلَّ تَصْبِغِيْهِمْ قَبْل مَا تَلْسَقِي.

السَّاحَة (وَلَّ الْمِسَاحَة) دِيَالْت  
السَّاس د الْمَنَار فِيهَا سِتَّة وَ ثَلَاثِينَ  
سَنْتِيْمِيْتر مَرْبَعَة ! يَعْنِي فِكْل طَرَف  
عِنْدَكَ 6 cm فَالطُول. مِنْ بَعْد خَصَّ  
تَعْمَل رِبْعَة د الثَّقَايِي فِيْهِمْ 3 cm  
فَالطُول وَ 1 cm تَقْرِيْبًا فَالْعَرْض  
بَاش تَتَبَّثْ وَ تَزَيِّر الصَّمْعَة فَالْتَقَاي  
وَ تُوحِّل كُلَّ فَرَصَادَة بَاش مَا  
تَطِيْحَش.



## 5- البني الثاني

### التقادة ديال القبة والجّامور؟

بحال الفرصادات ديال المنار، القبة حثّاية عندها ربعة ديال الفرصادات، غي الفرق هو أنّ الفرصادات بربعة عندهوم نفس الشكل.

التقادة تكلّ فرصة تاع القبة هي :

خمسة سنتيمتر فالطول ( 5 cm ) و ثلاثة سنتيمتر  
فالعرض ( 3 cm ). الساحة تكلّ فرصة هي :

خمسّاش سنتيمتر مربّعة، لي هي  
بالحساب : (  $3\text{cm} \times 5\text{cm} = 15\text{cm}^2$  )

باش تلسقي القبة على المنار غادي

يخصّك اللّساقة د جوج جوايه . إذا ما

عندكيش اللّساقة ديال جوج جوايه، خودي لّساقة


ديال جيهة وحدة و لكن تلسقيها مع الجنب تالمنار باش تبقي شادة مزيان فيه.



الجَامُور حَتَاهُو غَادِي تَلْسَقِيهِ بِنَفْسِ الشَّكْلِ  
عَلَى الْقُبَّةِ.


الجَامُور هُوَ قَطِيبُ تَاعِ النَّحَاسِ مَخْشِينَ فِيهِ  
كُورَاتِ دِيَالِ النَّحَاسِ.

مَلِّي خَمَمْتُ، لَقِيتُ أَنَّهُ بَاشَ تَصَاوِييِ الْجَامُورِ،  
يَمَكُنْ تَاخْذِي عَوْدَ السَّنَانِ Cure-dent .



و مِنْ بَعْدِ تَخْشِي فَالْقَطِيبِ كُورَاتِ  
مَصَاوِيِنَ مِنَ الْعَجِينِ.

غَادِي يَخْصُكْ تَصَاوِيِي نَصْ كُورَة  
و تَلَوْنِيهَا بِالْلِيمُونِي، و مِنْ بَعْدِ  
تَصَاوِيِي رُبْعَة دِيَالِ الْكُورَاتِ و  
تَلَوْنِيهِمْ بِالْضَفْرِ.



### III - الدقة الثالثة

## رَحَابُ اللُّوْضِ وَالسَّوْرِ





## 6- البني اللول

### التقادة ديال السور؟

إد وصلتني هنا، عرفني أنه راكي سالي تي البني ديال الصمعة بالفرضادات و الساس، و دابا خصنا نبنو السور، رخاب اللوضو و المصلى .

التقادة تكل سور هي :

ثلاثة سنتيمتر فالعلو ( 3 cm ) و ستة و عشرين  
سنتيمتر فالعرض ( 26 cm ). الساحة تكل فرصادة هي :

ثمانية و سبعين سنتيمتر مربعة، لي  
هي بالحساب الساحة ول المساحة  
تالسور : (  $3\text{cm} \times 26\text{cm} = 78\text{cm}^2$  )

فاللول غادي تقطي و تلسقي

الرسم على حساب التقادة نتاع كل سور، و خصكي تلسقي السور مع الساس  
ديال الجامع.




خَصَّيْكَ تَلْسُقِي السَّوْرَ وَ السَّاسَ  
بِلَسَاقَةٍ وَحْدَةً بَاشَ يَبْقَى شَاد السَّوْرَ.  
يَمْكُنْ لِيكَ تَصْبِغِي السَّوْرَ قَبْلَ وَلِّ  
مِنْ بَعْدَ مَا تَلْسُقِيهِ.

إِلْ غَادِي غِي تَلُونِي بِالْقَلَمِ، تَنْضَن  
خَيْرَ تَلُونِيهِ قَبْلَ مَا تَلْسُقِيهِ بَاشَ مَا  
يَرْخَاشَ مِنْ قُوَّةِ الْبَرِيكِ عَلَيْهِ.

بَاشَ تَغْطِي الْمَصَلَّى، غَادِي تَاخْدي  
طَرَفَ دِيَالِ الْكَارْطُونِ، فِيهِ فَالْطَوَّلُ  
25 cm وَ فَالْعَرْضُ 10 cm .

مِنْ بَعْدَ غَادِي تَقْطَعِي مُرْبَعَ كُلِّ  
طَرَفٍ فِيهِ 6cm ، يَعْنِي غَادِي  
تَقْطَعِي مُرْبَعَ سَاحَتُو هِي ثَلَاثَةٌ وَ  
سِتِّينَ سَنْتِمِيتَرٍ تَرْبِيعَةً  
(  $6\text{cm} \times 6\text{cm} = 36\text{cm}^2$  )



## 7 - البني الثاني

### رَحَاب اللّوضو و اللّيمون

دَابَا غَادِي تَقْدَرِي تَبْدَاي تَجَلّجِي اللّرض تَرَحَاب اللّوضو :

قَبْل مَا تَزْرَعِي الشَّجَر دِيَال اللّيمون  
و تَحْطِي شَي مَيْنِيكَات صَغَار دِيَال  
نَاس زَمَان، غَادِي يَخْصَّكَ فَالْلَوَل  
تَجَلّجِي اللّرض !

غَادِي تَطْبَعِي الْجَلّيج و تَقْطَعِيهِ عَلَى  
قَدِّ السَّاحَة دِيَال الرّحَاب و غَادِي  
تَلْسَقِيهِ بِاللّسَاقَة تَالْمَا.

غَادِي تَخْلِي الْجَلّيج يَنْشَف شَوِيَة، و

غَادِي تَمْشِي بَاش تَصَاوِي الشَّجَر دِيَال اللّيمون.

دَابَا غَادِي تَقْطَعِي طَرَف دِيَال الكَارْطُون عَلَى شَكْل شَجَرَة، و غَادِي تَطْبَعِي  
الشَّجَرَات تَاع اللّيمون بَاش تَلْسَقِيهِمْ عَلَى جَوِج تَاع الْفَرْصَادَات مِنْ الشَّجَر

باش يبانو من جوج جهات شجر.

من بعد غادي تبداي تلوني  
الليمونات بالفوتر ولّ بالصباغة  
بالليموني.

ما تنسايش أنه خصك تلوني  
الليمون ديال الفرصات بجوج.

من بعد غادي تدوزي تلوني الجدر



ديال الشجرة لي غادي يكون بالقهوي.

ملي تكوني صبغتي الليمون  
بالليموني و الجدر بالقهوي، و  
لوراق تالشجر بالخضر.

ديك الساع غادي يخصك  
تحلي الجدر ديال الشجرة على  
جوج، إتماغي شوية.

هاديك الحلة لي درتي فالجدر هي  
باش غادي تلسقي الشجرة فوق  
الجليج ديال رحاب اللّوضو.



عاد غادي تلسقي سة ديال الشجرات، جوج سطور ديال الشجر يكونو  
متباعدين بنفس القدر ديال التيساع.

و باش تصاوي النافورة لي تيوّضاو فيها الناس، غادي تقطعي ربعة ديال

الطروفة من الكارطون، كُلّ طرف غادي يغطي ساحة ديال  $10 \text{ cm}^2$  . فالطول عندك  $5 \text{ cm}$  و فالعرض  $10 \text{ cm}$  ( $5 \text{ cm} \times 2 \text{ cm} = 10 \text{ cm}^2$ ) .

غادي تلسقي دوك ربعة ديال الطروفة و تصغيهم بالخضر.

من بعد غادي تقطعي طرف من ورقة عادية و تقطعيها تكون دايرة.

و ترسمي الما بتقنية التّورّاق باش تبان بحال الما ديال بصّح.



إل كملت من البني ديال رَحَاب اللّوضو، غادي تدوزي دَابَا التّزّواق ديال الكتبية بِالْمَيْكَات الصّغار ديال ناس زَمَان لي كَانو وقت البني ديال الكتبية.

غادي تلسقي دوك ربعة ديال الطروفة و تصغيهم بالخضر.

من بعد غادي تقطعي طرف من ورقة عادية و تقطعيها تكون دايرة.

و ترسمي الما بتقنية التّورّاق باش تبان بحال الما ديال بصّح.



إل كملت من البني ديال رَحَاب اللّوضو، غادي تدوزي دَابَا التّزّواق ديال الكتبية بِالْمَيْكَات الصّغار ديال ناس زَمَان لي كَانو وقت البني ديال الكتبية.



غَادي تلسقي دوك ربعة ديال  
الطروفة و تصغيرهم بالخضر.

من بعد غادي تقطعي طرف من  
ورقة غادية و تقطعيها تكون دائرة.


و ترسمي الماء بتقنية التوراق باش  
تبان بحال الماء ديال بصح.








إل كملت من البني ديال رحاب اللّوضو، غادي تدوزي دابا التّزواق ديال  
الكتيبة بالنيكات الصغار ديال ناس زمان لي كانوا وقت البني ديال الكتبية.

قبل ما نخليك تفوطوكوبي، غاديك نورّيك واحد التصويرة تتعجبني :




























## المزود

- [1] Geometrics patterns, <https://www.youtube.com/user/artisan214>, Chaine : Mour-tadi Noureddine.
- [2] IBN SAHIB SALAT المن بالأمامة، تاريخ بلاد المغرب و الأندلس، بن صاحب الصلاة، 1198.
- [3] NORBERT BRETON, *Histoire des Goths : des origines à lan 450*, 2016.
- [4] VICTOR SAXER, *La Passion de S. Vincent diacre*, 1989.
- [5] LEOPOLDO TORRES BALBAS, *Arte Hispanomusulman Hasta la ca 'ida del califa to de Córdoba*, 1973.
- [6] AHMED DJEBBAR, *Le manuscrit (retrouv) de Saragosse*, 2001.
- [7] Medi1TV, *Au fil de l'histoire : Aghmat : La capitale almoravide*, 2018.
- [8] , *Archives berbères et Bulletin de l'Institut des hautes 'etudes marocaines*, 1951.
- [9] نزهة المشتاق في اختراق الآفاق، بهمد إدريسي Tabula Rogeriana, 1154.
- [10] 2M, *Artisanat du Maroc. Le travail du Zellij (Mosaque)*, 1993.
- [11] Projet ROAPE , *Etude "Zellige de Tétouan"*, 2015.